

Koom Haum Hmoob
Kab Lis Kev Cai
(Hmong Cultural Center)

995 University Ave. St.Paul, MN 55104
Phone: 651-917-9937 Fax: 651-917-9978

**Dab Neeg Hmoob Lub
Ntuj Tsim Lub Teb
Raug (Hmong History:
The Beginning of the
World)**

Tus tshawb fawb tsim tawm los yog
Major Tougeu Leepalao



Major. Tougeu leepalao.
687 charles ave st Paul,M.N 55104. H.
995 universty ave, stpaul,MN55104. W.

= Education: 1950 Lao grade school certificate phone savanh province xieng khouang laos.

- = 1953 special guerrilla unit and parachute training camp cap saint Jacque province Saigon south Vietnam.
- = 1960 French grade school certificate xiengkhouang laos.
- = 1963 military cadet school phakhao laos trained to be a military officer.
- = 1966 training in general long cheng laos acted as a technical training staff at long cheng ste 20. A.

= Experience:

- = 1964 Commander in chief Ban Na Laos. Acted as a coordinator for Zone. 2 A. site 15.
- = 1966 commander in chief saneune laos acted as a coordinator to manage Zone . 12 B. site 184.
- = 1967 chief of training moung cha Laos. responsible for training guerrilla unit and B.O.C.troops at site 113 training camp.
- = 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and MTT. troops at Long cheng training camp center.
- = 1971-75 Commander in chief at Sainthong Laos. managed and Director the B.O.C. for site 20.
- = 1992 present Cultural instructor Hmong cultural center St Paul, MN 55104 teach Hmong cultural,history and language adolescent And adults and provide cultural counseling to Hmong community

Reference: Available upon request.

Ces ntxwg nyug thiaj hais tias: tas nrhov cov tsiaj ntiaj teb mas kom neeg noj tau txhua tus, hos cov tsiaj mas noj tsis tau neeg, ces vaub kib thiaj teb tias : ua li kuv ne ! ntxwg nyug teb tias : vaub kib mas yog neeg noj no mam li tua hos yog tsis noj no txhob muab tua cia nws mus nws, ces vaub kib thiaj li nroo ib suab tias: aub yaug ! ua cas tseem yuav hais li ntawd thiab laud ! (yog li mas niam no neeg thiab vaub kib sib ntsib mas vaub kib thiaj xyu ib suab ua caj dab ntev ntev) ces thaum no suav daws rov qab los tsev, ces tsov txawm pheej los thov neeg tias: neeg! Thov koj pub nqaij rau kuv noj thiab, ces neeg teb tias : noj los tau, tab sis ib hlis pub noj ib tug tsiaj xwb (yog li niaj hnub no ib hlis twg tsov thiaj tom ib tug tsiaj xwb thaum dais pom tias: tsov thov tau noj lawm, dais txawm los thov noj nqaij ib yam thiab, tab sis neeg tsis kam, ces dais thiaj hais tias: yog tsis kam no thov kaws cov pob txha lwj, ces neeg thiaj teb tias: Ua li los tau.ces niaj hnub no dais thiaj cua pob txha xwb. Ces tas cov tsiaj thiab neeg thiaj nqis rov los nyob hauv lub ntiaj teb, suav daws nyob tau ib ntus, cov tsiaj txawm sab laj tias: neeg twb tsis muaj zog li peb txawm tias ntxwg nyug hais ntawd los peb tsis nyoo , peb sib sau ua ib pawg es peb hu neeg tuaj, suav daws los sib twv saib leej twg muaj zog thiab txuj ci loj dua, yog neeg txuj ci

Swb peb ces txiav txim kom neeg txhob noj peb cov tsiaj lawm, yog neeg txuj ci loj tshaj peb no mam yuav li ntxwg nyug hais. Ces cov tsiaj txawm tuaj hu neeg mus nrog cov tsiaj sib twv txuj ci tom hav zoov, thaum mus txog tom hav zoov lawm, cov tsiaj los hais tias: neeg ! peb sib twv saib leej twg txuj ci siab tshaj, ces neeg hais tias : nej ua ua ntej tso peb mam ua tom qab, ces Ntxhw, nyuj quj, tsov, dais, liab, cuam, npua teb, kauv, mos lwj, suav daws tuaj dhia tas. Ces lawv ho kom neeg ua pub lawv saib, ces neeg hais tias: hnub no tsaus ntuj lawm, kuv teem rau nej xya hnub (7) nej rov tuaj kom tas huv si, kuv mam ua pub nej saib. Ces neeg thiaj los hlais nqeeb ua ib lub tsev rau nram hav nqeeb, puv 7 hnub nqeeb nkig nkuav, ces cov tsiaj rov qab tuaj tag nrho, neeg hais tias: nej mus nkaum hauv lub tsev kom tas es kuv yuav ua txuj ci pub nej saib, ces cov tsiaj nkag mus nkaum tas hauv tsev. Thaum ntawd neeg cia li xuas hluav taws hlawv kiag 4 ceg kaum tsev ces cua nplawm ntws ua hluav taws cig liab vog yaim pes liav txhia chaw tuaj ces cov tsiaj ntshai heev nyias phoom nyias kiav tawm mus ces hluav taws kub ua npua teb plaub txheeb tas, tsov khiav lawv qab, hluav taws kub ua tsov txaij zees hos dais khiav qeeb hluav taws kub ua dais tib tug Niag dub nciab xwb ces txij li ntawd los cov tsiaj thiaj ntshai neeg thiab thiaj tsis paub neeg .

13/-Thaum no ces nkauj mim thiab nraug nus nkawd noob neej nyob huaj vam nroo ntws hauv lub ntiaj teb no ces muaj ib hnub ntxwg nyug txawm hu nkauj mim mus ntsib ntxwg nyug, nkauj mim mus txog ntxwg nyug txawm nug nkauj mim tias: nkauj mim niam no nraug nus los laus lawm , thiab neb yog ob nus muag neb sib yuav mas txaj muag, yog koj kam no kuv muab rab riam no rau koj ,koj muab nraug nus tua pov tseg , tso kuv mam muab ib tug tub hluas rau koj ua txiv, nkauj mim xav xav nws teb tias: yog koj hais tiag no tua los tua . ces ntxwg nyug hais tias: koj nyob twj ywm qhov no kuv mus hu nraug nus tuaj tso koj mam li tua nws. Thaum no ntxwg nyug mus hu tau nraug nus tuaj txog . ntxwg nyug hais rau nraug nus tias: nraug nus ! nkauj mim neb yog nus muag sib yuav mas maj muag dhau thiab nkauj mim twb laus lawm yog koj tua tau no koj muab nkauj mim tua pov tseg tso kuv mam li muab ib tug ntxhais hluas hluas rau koj yuav ua poj niam. Ces nraug nus xav xav nws teb tias: ab! Ntshai kuv tsis kam, wb twb ua neej los laus li no, kuv tseem hlub nws kawg ntshai kuv tua tsis taus. ntxwg nyug hnov li no ces ntxwg nyug thiaj hais tias: poj niam mas siab tsis zoo, txiv neej mas siab thiaj zoo, txij no mus mas neb noob neej mas txiv neej muaj cai yuav tau ob tug poj niam. hos poj niam mas tsis muaj cai yuav ob tug txiv. Yog tus poj twg tsis , mloog es mus yuav ob tug txiv los sis deev hluas mas yuav ua vij, ua swv feem daws tsis tau li.

14/- thaumno ces noob neej nyob ntiaj teb muaj mob muaj nkeeg, muaj ploj, muaj tuag, ces noob neej quaj ntsuag rau txhia txoj kev, ces cua mus qhia yawm saub . yawm saub thiaj hais tias: theeb tswb ! koj sim nqis mus xyuas noob neej saib ! yog vim li cas noob neej thiaj muaj tuag ? ces theeb tswb thiaj qhib rooj ntug saib no ua cas noob mob toj taug twb ri puv ntiaj teb lawm ces theeb tswb thiaj hais tias: ntxwg nyug ua cas koj yuav tso noob mob,noob tuag mus rau ntiaj teb neeg ua dab tsi? Ntxwg nyug teb tias : noob neej mas nyiam ploj,nyiam tuag, noob neej muab ib niag tsov coj los pam mas nim quaj quaj tau 9 hnub cuaj hmos, tshuab qeej ntaus nruas taug taug kuv pob ntseg, kuv thiaj xav tias yog noob neej nyiam npaum li no tiag no kuv mam muab noob mob,noob tuag pov mus rau lub ntiaj teb kom noob neej khaws tau mob tau tuag yog li es kuv thiaj muab pov mus rau noob neej xwb. Ces theeb tswb thiaj hais tias: txoov siv yis tam sim no yuav mus muab cov noob mob,noob tuag rov sau cia los nyuab, ces koj nqa hauv kuab muaj tsuas thiab hauv thawj neeb no nqis mus kho cawm noob neej kom txhob tau kev ploj tuag xwb,tso mam li sab laj kom ntxwg nyug sau nws cov noob mob nkeeg rov qab los kaw cia. Thaum no ces txoov siv yis thiaj nqis los kho mob nkeeg raws li theeb tswb hais. Lub sij hawm txoov siv yis nqis los txog lawm yog noob neej tus twg tuag lawm txoov siv yis muab kuab muaj tsuas tsuag rau ces sawv rov los xwb,txoo

Ces txoov siv yis tsa nccg luag sawv rov los, tsa qab ntuj dhau hauv ntuj , noob neej tsis muaj ploj tuag li ces ntxwg nyug chim nws txawm hais tias: kuv yog tij, txoov siv yis yog kwv ua cas nws yuav mus muab hauv kuab muaj tsuas lom kuv cov noob toj taug nws tsis hais ib los rau kuv paub li, yog ua zoo hais kuv paub, kuv cia li muab tshem tag du lug coj rov los cia xwb, yog li kuv sim ua kom nws nyuab siab saib nws puas paub thiab nws puas yuav kho tau. Ces ntxwg nyug ua ob (2) yam rau txoov siv yis muaj li no :

1/- ntxwg nyug muab txoov siv yis tus tub tus ntsuj plig yees ua ib tug heev nyuj, ces ntxwg nyug txawm hais tias: siv yis ! koj mus ua ib thaj neeb kho kuv, txoov siv yis teb tias: aws ! ces txoov siv yis mus txog tom ntxwg nyug tsev, ntxwg nyug hais tias: kuv muab tus heev nyuj no rau koj kho kuv ! siv yis teb tias: kuv tsis kho nyuj. Ntxwg nyug txawm hais tias: yog koj tsis kho no ces muab niag nyuj tua ua zaub rau peb noj xwb. Siv yis teb tias: ua li los tau. Ntxwg nyug txawm muab tus nyuj tua kiag muab nqaij hau siav tas, ces txoov siv yis ua neeb nqis los, rau mov suav daws noj tas, txoov siv yis rov qab los tsev, nws los txog tom ib nta ntuj, nws ntsib tus lau qaib los txog tod, nws nug tias : koj los mus dab tsi ? qaib teb tias: koj tub tuag lawm es lawv muab kuv tua coj koj tub kev los mus xwb. Ces siv yis ho nqis kiag ib theem, ntsib niag heev nyuj, siv yis nug tias: koj los

mus dab tsi ? nyuj tcb tias: koj tub luag lawm, cs lawv muab kuv tua ua nws luag los mus xwb. Ces siv yis nqis kiag ib theem ntsib nws tus tub los txog ntawd, siv yis nug tias: koj los mus ua dab tsi ? rov qab nqis lawm ntiaj teb. Tus tub teb tias: txiv ! kuv rov tsis tau lawm , vim kuv nqaij koj twb noj tas, kua koj twb haus tas ces kuv rov tsis taus mog. Txooov siv yis muab cwj neeb thaiv nkaus, tus tub txia ntsis ua ib twv huab yaj ntshis dua nruab ntug lawm.ces txooov siv yis tu siab rau ntxwg nyug heev kawg kiag.

2/- Hais txog hmoob lub tsib peb caug. Ntxwg nyug txawm tso tau ob (2) tug dab noj nyoog nqis los kav lub ntiaj teb, ob tug dab noj nyoog niaj hnub mus ntes noob neej coj los tua ua zaub noj, txooov siv yis niaj hnub mus muab hauv kuab muaj tsuas tsuag rau cov pob txha ces sawv rov ciaj neeg los li qub. Ces txooov siv yis thiaj xav tau tias : yuav tsum muab ob tug dab no tua kom tuag tas mas noob neej thiaj tau kev thaj yeeb nyob lub ntiaj teb . ces txooov siv yis thiaj hais rau 2 tug dab noj nyoog tias: neb txhob mus ntes noob neej lawm, neb ua siab ntev tos txog lub 12 hlis hnub 30 kuv yuav hu tas nrho noob neej nyob qab ntuj no tuaj ua ib lub rooj vag txais tos neb tuaj es peb mam sib sab laj muab noob neej faib rau neb tua noj xws li ib (1) hlis muab 2 tug rau neb noj mas yog hnub hli nra 15 thiab nqig 30 xwb es noob neej thiaj tsis ntshai . ces dab noj nyoog teb tias : ua li

koj hais ntag. Txooov siv yis thiaj los muab tauj muab nqeeb ua tau ib lub rooj vag zoo nkauj kawg, ces txog lub 12 hlis hnub 30 ces txooov siv yis thiaj mus caw dab noj nyoog tuaj, tab sis thaum tuaj ces tus tij tsis tuaj , tuaj tus kwv xwb, ces thaum tus kwv tuaj txog ntawm rooj vag nkag kiag los ces txooov siv yis xuas ntaj tib ntag rau caj dab tu nrho ces dab noj nyoog tuag kiag lawm, ces txooov siv yis thiaj mus nqua hu noob neej nyob qab roob,qab ha, hav zoov, hav tsuag kom suav daws los txhij, los txhua, zaum no dab noj nyoog tuag lawm, ces noob neej thiaj tawm los, txooov siv yis thiaj hais tias: zaum no tsis txhob ntshai, dab noj nyoog twb tuag lawm , suav daws tawm los ua noj ua haus, tab sis yuav tau caiv 3 hnub nyob ua si noj haus xwb, txhob maj mus ua qoob,ua loo, vim tias: tseem tshuav ib tug dab noj nyoog thiab. Ces txooov siv yis thiaj qhia kom cov txiv neej mus txiav ntoo los txua ua tuj lub, kom cov poj niam mus muab khaub hlab xaws ua lub pob dhia ua si 3 hnub, yog dab noj nyoog tuaj thiaj tau sib pab ntaus. (yog li mas hmoob lub tsib peb caug thiaj muaj caiv thiab muaj lwm qaib thiab thiaj ua rau lub 12 hlis hnub hli nqig tas 30 xwb hnub ntawd thiaj yog keeb kwm) = thaum no tshuav dab noj nyoog tus tij laug, ces tus dab noj nyoog ntawd txawm hais tias: txooov siv yis heev diam, kuv sim mus yuav nws poj niam saib nws puas mob siab, ces siv yis paub lawm, siv yis txawm txua tau ib rab hneev loj hauj sim, siv yis hais rau

nws poj niam tias: koj niam ! kuv yuav mus ncig ntuj, yog pom dab noj nyoog tuaj txog es nws yuav kom koj nrog nws mus no, koj hais tias yog nws nta tau kuv rab hnneev no koj mam nrog nws mus no mog. Ces txoov siv yis mus lawm, dab noj nyoog tuaj txog dab noj nyoog hais tias: siv yis mus dab tsi lawm ? poj niam teb tias: mus ncig ntuj lawm, dab noj nyoog tias: koj nrog kuv mus. Siv yis poj niam hais tias: yog koj nta tau siv yis rab hnneev no kuv mam nrog koj mus. Dab noj nyoog nta tau kiag muab khuam rau tom tog tsev. Ces dab noj nyoog coj siv yis poj niam mus lawm. Siv yis los txog pom tsev du lug xwb tsis pom poj niam lawm, siv yis thiaj lawv qab mus txog tom dab noj nycog tsev, dab noj nyoog mus yos lawm tshuav siv yis poj niam nyob xwb, ces siv yis poj niam hais tias: koj mus nyob nraum kwj tse, tsam dab noj nyoog los ces koj kov tsis yeej nws, siv yis mus nyob nraud tos, ib me ntsis dab noj nyoog los txog, nws los zaum nram qab cub, siv yis xuas nws rab hnneev xa tib hnne rau teg dab noj nyoog tav xub thaws thawv lawm, dab noj nyoog ceeb nkaus, nws hias tias: leej twg tua kuv ne ! siv yis poj niam teb tias: tsis muaj neeg tua koj, yog cov hluav taws huab txhib no tawg kub koj xwb, ces dab noj nyoog txawm cem tias: yog leej twg yuav tua tau kuv mas nws nta tau kuv rab hnneev saum nthab mas thiaj tua tau kuv. Txoov siv yis hnov li no, tag kis kaj ntug dab noj nyoog mus lawm, txoov siv yis thiaj muab dab noj

nyoog rab hnneev thiab xib xub coj los nta tau cuam xub zoo zoo rau ces mus zaum tos thaum dab noj nyoog rov qab los txog nram ntug pas dej ces txoov siv yis thiaj ua zoo xa tib hnne ntsia nkaus dab noj nyoog hauv siab ces ua rau nws tuag kiag lawm ces txoov siv yis thiaj coj nws poj niam rov los tsev, tab sis nkawd los ib me ntsis xwb ces siv yis poj niam txawm hais tias: koj nyob nov tos es kuv rov qab mus xyuas saib dab noj nyoog puas tuag tu siav tiag. Tsam nws ho lam sawv rov los, ces siv yis nyob tos, nws poj niam mus lawm, ua cas siv yis tos ntev loo tsis pom los siv yis thiaj lawv qab mus xyuas saib ua cas mus ntev ua luaj, siv yis mus txog pom nws poj niam quaj plhws quaj plhws niag dab noj nyoog ces txoov siv yis tu siab heev, nws coj poj niam los txog ib tog kev txoov siv yis xav xav tu siab nws thiaj hais rau nws poj niam hais tias: yog kuv paub tias: koj hlub niag dab noj nyoog heev ces kuv tsis raws qab tuaj, Zaum no kuv yuav tsis nrog koj nyob ntiaj teb no lawm vim koj siab tsis ncaj, kuv yuav mus nyob lawm 9 tshooj ntuj saum ub cia koj nrog noob neej nyob ntiaj teb, kuv mus puv yees 9800 xyoo kuv mam li nqis rov qab los kho noob neej dua. Ces siv yis ya plaws txog ib nta ntuj nws thiaj muab cwj neeb nkaug rov ntiaj teb, muab sab neeb khuam rau yis txwv ntuj, muab hauv kuab muaj tsuas dai rau ib nta ntuj ces txoov siv yis thiaj foom tseg tias: noob neej ntiaj teb leej twg khaws tau kuv cwj neeb mas thiaj

Ua tseeb, hos hauv kuab muaj tsuas muab ntsuag ua lwg dej poob los rau ntiaj teb, nws los lo tsob nroj twg los yog tsob ntoo twg ces tsob ntawd zoo tshuaj Xwb, kom noob neej paub li no tseg, ces txoov siv yis rov hais ib lo lus ntxiv tias: noob neej nyob mog kuv mus nrog yawm saub nyob kom tau li cuaj txhiab yim pua xyoo (9,800 xyoo) tso kuv mam nqis rov qab los dua kuv mam los cawm kom noob neej tsis paub tuag. Hos ntxwg nyug mas nws siab tsis zoo, nws yuav raug noob neej cem, ntxub nws tas mus li (yav tom ntej no txoov siv yis tseem yuav nqis los)

15/- tim li cas noob neej tuag thiaj li muaj hais txiv xaiv , Foom kom ? vim thaum ub muaj ib tug yawg npe hu ua yaj tuam koob, yug tau 9 leeg tub muab tis npe li yuav qhia mus lawm nram qab no :

- Tus : 1- Tuam tsheej xeeb.
- 2- Iwm tsuam lij.
- 3- Xab khais tob.
- 4- Xwm puam phij.
- 5- Lwj tuam twm.
- 6- Vws vee tsi.
- 7- Txhij tshaj cum.
- 8- Puaj tshe voo.
- 9- Caws xab theeb.

=ces cuaj (9) leeg tub hlob tiav txiv tas lawv tsis mloog txiv lus kiag, sib cav,sib ceg tas li xwb lawv

Lub neej txom nyem kawg,muaj ib hnub tus kwv yau thiaj hais tias: cov tij laug! Ua li cas peb twb khwv tas li xwb ua cas peb thiaj li yuav txom nyem npaum no,raws li kuv xav mas ntshai yog peb tsis mloog peb txiv tej lus qhia es peb thiaj li txom nyem, peb sim ua zoo mus thov kom peb txiv qhia thiab foom lus zoo rau peb saib,peb puas yuav tau zoo li luag zej zog. Cov tij laug thiaj teb tias: ua li los zoo, lawv thiaj los rub rooj rau cawv rau,rub lawv txiv los zaum,thov kom txiv qhia kev ua neeg thiab foom koob hmoov rau lawv cov tub. Ces leej txiv thiaj hais tias: me lus dab tsi kuv twb hais rau nej tus phauj tas lawm,yog nej xav tau ces nej mus kom phauj qhia nej xwb mog. ces cov tub xav xav tsis paub yuav ua li cas. Tus yau thiaj hais tias: txiv twb hais li lawm ces peb kuj mus xwb, lawv thiaj mus txog pem phauj tsev, lawv npaj tau ib rooj mov rau phauj noj, thov phauj qhia lawv, phauj hais tias: cov me nyuam, nej txiv tseem nyob kom nej txiv qhia nej xwb! Cov tub teb tias; phauj ! Peb txiv hais tias: nws xaiv tau koj lawm thov koj qhia thiab foom koob hmoov pub peb no. ces phauj thiaj qhia kev ua noj ua haus,kev ua neeg zoo rau lawv tas. Ces txij li hnub ntawd los lawv khwv yam twg los tau, lawv muaj nyiaj,muaj kub tsiaj txhu nroo ntws tsis txom nyem, ces muaj ib hnub lawv thiaj sab laj tias: peb kev noj haus nyiaj kub peb tsis txom nyem lawm, tab sis xav tau faj tim huab tais ua, peb sim mus thov kom peb txiv qhia saib yuav ua li cas

thiaj tau faj tim huab tais ua kav lub ntiaj teb no. ces
 lawv thiaj mus thov tias: txiv koj qhia saib peb yuav
 ua li cas thiaj tau faj tim huab tais ua? Txiv teb tias:
 cov me tub! hais Txog qhov nej los thov no mas zoo
 kawg, tab sis nej los hais lig lawm txiv twb yuav tuag
 tam sim no, yog nej xav tau nom tswv no ces txiv
 tuag nej mus hu phauj tuaj es nej tua ib tug nyuj rau
 phauj noj, nej thov phauj saib ib lub looj mem rau
 txiv xwb ces nej yeej tau faj tim huab tais ua xwb ces
 cov tub tsis paub hais li cas, ces lawv txiv cia li tuag
 kiag lawm, lawv xav xav lawv thiaj mus hu tus phauj
 tuaj txog thiaj thov kom phauj pab saib looj mem rau
 txiv raws li txiv tau hais tseg, phauj teb tias: kuv tsis
 paub saib looj mem, yog yuav saib looj mem mas
 muaj ib tug yawg suav laus nyob pem hauv zos paub
 zoo kawg kuv mam li mus thov kom nws tuaj pab
 saib rau nej txiv, ces phauj thiaj mus thov yawg suav
 laus tuaj txog tsev, ces yawg suav laus hais tias: yog
 saib looj mem ntxa mas tus nqi yog: 7 las ob. yog
 Saib looj mem toj mas tus nqi yog: 12 lag nyiaj. Ces
 cov tub teb tias: thov pab saib looj mem toj. Ces
 yawg suav rov hais tias: kuv laus lawm, kuv yuav nce
 toj nqis hav mus tsis taus tej toj roob hauv pes, ces
 nej los zaum mloog kuv yuav qhia lub looj mem toj
 tseeb tseeb rau nej paub kom meej, ces nej mam coj
 nej txiv mus ua zoo tsom xyuas kom zoo ces tau
 lawm, ces cov tub xav xav tsis paub hais li cas, tus
 phauj thiaj hais tias: ua li los tau, ces lawv them nyiaj
 12 lag rau yawg suav tas, yawg suav mam piav rau
 lawv hais tias: nej mus saib yog lub roob zoo li tus
 ntxhw. Looj mem nyob ntawm tus cov txwv, yog lub
 roob zoo li tus zaj: looj mem nyob

nram tus tw : yog lub roob zoo li tus: nces. Looj
 mem nyob ntawm duav : yog zoo li Tus: nyuj : looj
 mem nyob ntawm taub hau ob tug kub.: yog zoo li
 tus : npua : looj mem nyob ntawm txiv ntswg : yog
 zoo li tus : tus : qaib : looj mem nyob ntawm ko taw
 thiab kaus ncauj : qhia tas ces yawg suav rov mus
 tsev lawm (qhov uas peb foom kom pheej hais lus
 suav mas yog hais raws yawg suav cov lus qhia xwb)
 ces cov tub thiaj mus xyuas pom ib lub roob laug zoo
 nkaus li tus Zaj, lawv thiaj rov los kwv lawv txiv coj
 mus faus kiag rau raws li yawg suav qhia, faus tas ces
 lawv rov los tsev, los txog tom ib tog kev sov sov,
 lawv los so ntawm ib daim lag zeb ces txawm muaj
 ib tug noog leeb nkaub los ya plawv plaws quaj hais
 tias : tseeb tseeb, tsim tsim, zaum no mas tuam tsheej
 xeeb cov kwv tij yuav sawv ciaj faj tim txheeb
 txheeb, vam vam xyoo no laud ! ces lawv los txog
 tsev, tus tub caws xab theeb txawm qhia nws niam
 tias : niam saib peb mus faus txiv tas peb los txog
 tom kev sov sov peb los zaum ntawm ib daim pob
 zeb, txawm muaj ib tug noog leeb nkaub los quaj hais
 tias : tseeb tseeb, tsim tsim, zaum no mas tuam tsheej
 xeeb cov kwv tij yuav sawv ciaj faj tim txheeb
 txheeb, vam vam xyoo no tiag : ces niam txawm teb
 hais tias : me tub ! tau faj tim huab tais kav 12 tiam
 twb yog zoo kawg, tsis muaj tus yuav nyob mus txog
 Txheeb txheeb, vam vam xyoo ib zaug. Ces lawv los
 Nyob ua liaj, ua teb tau 3 xyoos, txog lubxyoo tshiab

Tawm tuaj, cov tub nom, tub tswv yuav mus xccm ua huab tais lawm pem ceeb tsheej, ces tuam tsheej xeeb txawm thov ua lawv qhev nrog lawv mus, nws hais tias: yog nej kam kuv ua nej qhev nrog nej mus mas kuv yuav ua tus hlais zaub pub nej cov nees noj thiab ntxhua nej khaub ncaws, ntxuav tais diav tib si. Cov tub nom xav xav lawv thiaj kam ces tuam tsheej xeeb thiaj ua lawv qhev nrog lawv mus. Lawv mus ib hnub tsaus ntuj lawv pw hauv ib yig suav tsev, noj hmo tag yawg suav kho chaw rau cov tub nom pw ntawm hauv plag, hos kho ib lub chaw rau nraum mom kaum rau tuam tsheej xeeb pw, vim tuam tsheej xeeb yog tus qhev. Ces tus txiv suav hais rau nws poj niam tias koj niam hnub no tuaj zoo ib pab txhiaj txiv yawg yuav mus xeem ua faj tim huab tais no cia kuv sim xyuas saib tus twg yuav tau tiag, ces tus txiv suav ua kiag ib zag khawv koob tshuab tag nrho ib tag hmo ob niam txiv suav los xyuas, pab tub nom pw pem hauv plag tib pab dub nciab muaj ib lub teeb me me cig ntxi pliv xwb, ntsia nraum mom kaum pom teeb hluav taws xob cig ntsa iab pom kev lam lug, muaj cuaj (9) tug Zaj koos rawv ces yawg suav hais rau nws poj niam tias: tus yuav tau faj tim huab tais mas yog tus qhev nraud! tag kis kaj ntug txoog tuam tsheej xeeb mus hlais zaub nees lawm, yawg suav tua kiag ib tug las npua ua tau ib tsum nqaij hnos, yawg suav hais tias: tos tus nais los tso mam li noj mov! cov tub nom xav tias tseem tshuav tus nais twg

thiab nc! tos tos tuam tsheej xeeb los txog txa nra kiag xwb, yawg suav mus tuav nkaus tes hais tias: me tub! los nrog kuv noj ib pluag ntshais, koj tsis paub kuv xwb, thaud koj niam, koj txiv yug tau koj me me, kuv tuaj ua luam, nkawd muab koj puas cev ua kuv me nyuam no ces kuv yog koj niam qhuav, txiv qhuav, ces lawv noj tshais tag. Ces yawg suav muab tau ib tug txiv nees rau tuam tsheej xeeb caij. Hnub ntawd lawv mus ib hnub tsaus ntuj mus pw hauv ib yig suav tsev, lawv noj hmo tag, suav pua chaw pem hauv plag rau cov tub nom pw, pua ib lub chaw nraum mom kaum rau tuam tsheej xeeb pw, ces tus txiv suav hais tias: koj niam! hnub no tuaj zoo ib pab txhiaj txiv yawg yuav tuaj mus xeem faj tim huab tais pem ceeb tsheej no cia kuv sim xyuas saib leej twg yuav tau. Yawg suav ua tib zag khawv koob tshuab kiag tag nrho rau. Ces ib tag hmo ob niam txiv suav sawv los xyuas, pab tub nom ces ua qaj qaug nyos, tso paus nrov nthim nthoom hos muaj ib lub nyuag teeb cig ntxi pliv xwb nkawd ntsia nraum mom kaum pom teeb fais fab cig lam lug, hos tuam tsheej xeeb zaum sau ntawv kawv ko, muaj cuaj (9) tug zaj koos rawv, ces yawg suav hais rau nws poj niam tias: koj niam! tus yuav tau ua faj tim huab tais mas yog tus qhev no xwb. Tag kis kaj ntug txoog tuam tsheej xeeb mus hlais zaub nees lawm, ob niam txiv suav ntes ntho ib tug heev nyuj coj los tua kiag ua tau ib tsum nqaij hnos rau tiav tas pheej tsis noj, yawg suav

hais tias: ua siab ntcv tos tus nais los tso. Cov tub nom xav tias : tseem tshuav tus nais twg thiab ne ! ib chim tuam tsheej xeeb ev zaub nees los txog txa nra plhuav xwb yawg suav mus tuav nkaus tes hais tias: me tub mus nrog kuv noj ib pluag tshais, koj tsis paub kuv xwb, thaud koj niam thiab koj txiv yug tau koj me me, kuv tuaj ua luam es nkawd muab koj khi tes ua kuv me nyuam no ces kuv yog koj niam qhuav, txiv qhuav. Ces noj mov tag yawg suav muab tau ib rab hnneev nrog ob xib xub vos rau tuam tsheej xeeb . ces hnub ntawd lawv mus ib hnub mus txog pem ceeb tsheej, lawv pw ib hmos tag kis kaj ntug 8 teev cov tub nom mus sau npe tag .tuam tsheej xeeb xav tias : yus pom yeem ua luag qhev tuaj txog ceeb tsheej lawm yus twb muaj hnneev thiab ces mus nrog lawv sau npe. Ces tuam tsheej xeeb txawm sau npe tag rau. Luag muab ib lub nruas daj dai rau saum ib tug nqaj tav txoj kev siab txij ru tsev, sau ib lub yeem rau nruab nrab, sau yim lub yeem ncig ntug, ces cov yuav xeem mam caij nees mus ib tug zuj zus nrog rab hnneev txhib nees kхиav ceev ceev mus ncaj zog ces tsa hlo hnneev tib hnne rau yog leej twg tua raug lub yeem dub me me hauv lub plawv ces tus ntawd tau faj tim huab tais, yog tua tsis raug mas tsis tau li. Cov tub nom xub tua ua ntej, lawv tua tas tsis raug li, muaj ib tug tua raug puag tom ntug nruas nyuag xub dai vias xwb. Ces tuam tsheej xeeb thiaj tsa tes thov tias : pub kuv tua thiab !

Luag thiaj tso lus kiag tias: tua los tau ! tuam tsheej xeeb caij nees kiag kхиav ceev nrooj tsa hlo hnneev xa tib hnne ntsia nkaus nruab plawv lub yeem dub nttag dhau plaws lawm, tig hlo rov kхиav los xa tib hnne ntxiv ntsia nkaus lub yeem hauv plawv ntxiv thiab, ces los nqis nees tag, luag hais tias: nej pab no muaj ib tug tau faj tim huab tais lawm, tag kis sawv ntxov kwv yees li 8 teev nej tuaj txais lub hwj chim huab tais nawb. Lawv rov los pw, tag kis sawv ntxov cov tub nom tsis hais tuam tsheej xeeb li lawv mus tas ua ntej lawm. Cov tub ceev xwm nrog rau tsoom pej xeem tuaj nyob tos coob coob kawg, 8 teev tuam tsheej xeeb mam li hais tias: mus xyuas saib cov tub nom leej twg tau huab tais ? tuam tsheej xeeb mus txog tom ntug moos xwb ces cov tub ceev xwm twb tuaj txais tos tas hos tsoom pej xeem nqa tswm ciab paj ntoos tuaj sawv tsheej pab tos hawm yawg lawm. Ces luag cia li muab tuam tsheej xeeb kwv mus ua huab tais hmoob nyob pem ceeb tsheej lawm, mam li muab pab tub nom ntawd ib tug los ua tus loos huab tais xwb. Thaum no hmoob mus coj yawg los, tab sis suav tsis kam, suav hais tias: yeej yog nej huab tais, Tab sis nej yuav yug tsis taus, cia peb ua yug nws xwb nws yeej yog nej neeg ces hmoob rov los tsev.

16/- tsam no tuam tsheej xeeb mus ua huab tais tau 12 tiam li niam lo lus tau hais tseg ces nws tuag lawm thaum ntawd hmoob yuav mus pam raws kev cai,

Tab sis suav tsis khcev suav haia tias: yog ib tug huab tais lawm mas tsis pub neeg quaj nyiav ua dog dig cia suav mam ua twb zoo coj los pam kom tsim nyog li yog ib tug huab tais tiag tiag. Suav thiaj los ntaus tau ib hwm txiag pob zeb coj los faus tuam tsheej xeeb.
 = thaum suav muab faus tas lawm ces hmoob los xav li cas los tsis zoo siab, hmoob thiaj mus hais rau suav tias: peb hmoob mas yog muab faus tas lawm puv 13 hnub tseem tshuav kev cai yuav ua ntxiv thiab yuav mus muab ib yag pob txha coj los ua dab qhuas plig mas thiaj tas, ces suav hais tias: muab tsis tau lawm, vim twb muab daim txiag pob zeb cam khov khov lawm yog mus dawj ces daim txiag zeb yuav tawg xwb. Ces hmoob tsis paub yuav ua li cas, ces tus phauj thiaj hais tias: yog li no mas peb npaj dej cawv tsiaj txhu kom tau txhij txhua, peb mus hu kwv tij neej tsa pej xeem huab hwm tuaj nyob tos, peb mam mus hu ib suab tom lub ntxa kom nws tus ntsuj plig rov qab los xyuas vaj xyuas tsev, xyuas kwv tij neej tsa no ces hmoob thiaj ua li tus phauj tau hais rau hmoob, ces txij li ntawd los hmoob thiaj muaj tso plig ua kev dab qhuas li tau piav los no xwb.

17/- ntawm no mus yog hmoob noob nom,noob tswv thaum hmoob nyob yaj ces tuam meem teb.

1/- yawg vaj yim leej. Keeb kwm yog yawg :
 = Tuam tsheej xeeb.

2/- yawg vaj kim zecj. Keeb kwm yog: lwm tsuam lij
 3/- yawg tswb xyos tuam. Keeb kwm yog yawg :
 = xab khais tob.
 4/- Yawg yaj peeble txam keeb kwm yog yawg:
 = Xwm puam phij.
 5/- Yawg pov txheej txam keeb kwm yog yawg :
 = yawg vws vee tsi.
 6/- yawg yaj ncuab txam keeb kwm yog yawg:
 = lwj tuam twm.
 7/- Yawg yaj yuam keeb kwm yog yawg:
 = Txhij tshaj cum.
 8/- yawg pov hwm yej keeb kwm yog yawg:
 = puaj tshe voo.
 9/- yawg yaj sis lwj keeb kwm yog yawg :
 = Caws xab theeb.
 = ua ntej tsib txhiab xyoo (5000) hmoob yeej muaj faj tim huab tais tiag, tab sis suav los laj tav haub yaum ntxeev ntxias ua kom hmoob tawg npoj sib cai ua pab, ua pawg tsis sib haum, thaum pom tseeb li no lawm ces suav siv cuab yeej riam, phom dag zog txum loom ua kom hmoob liam sim nyob yaj ces tuam meem teb (tuam tshoj) tag du lug xwb.

Lus tseem ntsiab.

Neeg tsawg swb neeg coob ,neeg ruam swb neeg ntse Muaj zog tsis cuag muaj hmoo, muaj nyiaj tsis cuag li muaj zoo tswv yim.

Major Tougeu leepalao lub neej.

= kuv yug lub: 7/20/30 nyob lub zos phvv lwj, Toj xeem nas vas, moos hmoob xeev kham (xiengkhouang Laos)
 = kuv kawm ntawv los tsuas tiav nqe: P. 3 xeem tau daim: Certificate xyoo 1950 nyob Phonesavanh(laos)
 = xyoo 1953 kuv kawm kev cai ua tub rog hav zoov (special guerrilla unit parachute) nyob nyab laj qab teb lub nroog Capsaint Jacque province in SAIGON south Vietnam) tau 8 lub hlis mam li kawm tiav.
 = xyoo 1960 kuv kawm ntawv fab kis tiav nqe: P. 6. thiab xeeim tau daim. Certificate. P. 6. nyob xeevkham (xiengkhouang Laos.).
 = xyoo 1961 kuv tau txais lub hwj chim tub rog pawg pua (soulieutenant) yog huab tais nplog muab.
 = xyoo 1962 kuv mus kawm kev cai ua thawj tswj tub rog pawg pua nyob pham qhom tau 6 hli, kuv tau txais lub hwj chim thawj tswj tub rog yog : (Lieutenant).
 = xyoo 1963 kuv mus ua thawj tswj tub rog pawg txhiab nyob: Banna.zon : 2. A. SL. 15 .specialGuerrilla unit and A.D.C.
 = xyoo 1965 kuv mus kawm kev cai nyob office staff thiab kev cai tswj hwm tub rog pawg txhiab nyob looj ceeb tiav nrog daim : Certificate. Thiab tau txais lub hwj chim: Captaine (xab khais tob).
 = xyoo 1966 kuv ua thawj tswj tub rog pawg txhiab nyob lub nroog moos xuab xeev xas niam. Zon. 12. B.LS. 184. lub roob tuam phvv lis.
 = xyoo 1967 General Vang Pao hu kom kuv ua xib hwb qhia tsoom tub rog: S.G.U. and B.O.C. nyob rau lub yeej moos cuab (camptraining center moung Decha. SL. 113. (xieng khouang LAOS).

Dab neeg hais txog ntuj raug teb raug

1/- thaum ub tsis muaj ntuj, tsis muaj teb, tsis muaj hnub, tsis muaj hli, ntuj yees ntuj li yi xws qhoo hmab, teb yees teb li yi xws qhoo quua, ntuj kheej ntuj li lam xws lub xab, teb kheej teb li lam xws lub ncuav, lub ntuj tsis to raj, lub teb tsis to nrog, noob neej raug tsis muaj, noob tsav raug tsis tau.

2/- Yog faj foob sawv los xab xeeb, foob siv sawv los xab xaws, faj foob xab xeeb tau niam puj saub cev los poob, foob siv xab xaws tau yawm saub cev los txog. Ces puj saub thiab yawm saub li hais tias zaum no wb yuav los tsim kom tau ib lub ntiaj teb kom zoo thiab muaj nuj nqis heev, thaum nkawd hais li no tag ces yawm saub thiaj hais tias: puj saub ! koj puab lub ntiaj teb es kuv mus puab lub ntuj, yog wb puab tau tiav lawm, wb mam nqa los sib dhos ua ib lub ntiaj teb. Thaum hais li no tag, ces puj saub txawm mus puab lub ntiaj teb, hos yawm saub txawm mus puab lub ntuj, nkawd ob leeg mus puab tau 12 xyoos thiaj puab tau lub ntuj, lub teb tiav los txog, thaum no nkawd thiaj nqa coj los sib dhos kiag ua ke no ua ciav lub ntuj yau me ntsis, hos lub ntiaj teb loj dua lawm ces tsis sib haum. Thaum zoo li no nkawd thiaj muab lub ntiaj teb rub kom yau zog los dhos rau lub ntuj

2

ces thia ua rau lub ntiaj teb txoom rees ua roob, ua hav tsis tiaj, tsis tus zoo li niaj hnub no lawm.

3/- thaum nkawd tsim tau lub ntuj, lub teb los lawm puj saub Yug tau 6 leej tub : 1/- tuam theeb tswb. 2/- xob laug. 3/- ntxwg nyug. 4/- txoov siv yis. 5/- zaj laug. 6/- ci kaws. Ces puj saub thiab yawm saub thiaj faib teb chaws rau nkawd 6 leej tub mus nyob : tuam theeb tswb ua tus thawj coj thiab tuav lub ntuj, lub teb tag nrho suav daws tib si. Xob laug ua tus mus kav huab, kav cua thiab tsim noob xob. Ntxwg nyug ua tus mus tsim noob dab, kav dab thiab neej tib si. Txoov siv yis ua tus mus tsim hauv kuab muaj tsua's , tsim neeb yaig los kho mob nkeeg. Zaj laug ua tus mus tsim noob zaj thiab kav ciam dej, ciam av kom ruaj khov. Yawg ci kaws ua tus mus tsim hnub tsim hli thiab hnub qub , saib xyuas noob tsiaj, noob txhuv, nroj tsuag, xyoob, ntoo nrog rau noob neej tib si. Thaum faib teb chaws li no tag rau cov tub lawm ces puj saub thiab yawm saub thiaj hais tias: me tub ci kaws tam sim no lub ntiaj teb tsis pom kev kiag, koj kav tsij mus tsim hnub, tsim hli los kav lub ntiaj teb kom pom kev zoo. Ces ci kaws teb aws ! thaum no ci kaws thiaj rua hlo qhov ncauj rov nce ntuj tshuab 9 pas tawm plaws 9 lub npuas nyiaj mus ua 9 lub hli, tshuab 9 pas tawm plaws 9 lub npuab kub mus ua 9 lub hnub, cov npuas me mus ua hnub qub ces lub ntiaj teb thiaj li pom kev kaj nrig lawm.

3

4/- thaum lub ntiaj teb pomkev zoo lawm. Puj saub thiab yawm saub nkawd thiaj muab av los puab ua cov tsiaj loj tau tas ces thiaj hu cua tuaj rau siav, cua tib ntsawg dhau plaws lawm ces cov tsiaj ciaj sia kais tag nrho, hos cov me kab, me ntsaum thiab nroj tsuag xyoob ntoo ces yawm saub tsuab kiag peb teg av hua hawv rau ntiaj teb ces hu cua tuaj rau siav kiag ces ciaj sia tag nrho txhua tsav txhua yam kab ntsaum nroj tsuag, xyoob ntoo thoob plaws lub ntiaj teb. tsam no yawm saub thiaj hais rau puj saub tias: wb tsim tau puas tsav yam tsiaj txhu, kab ntsaum, nroj tsuag xyoob ntoo nyob rau hauv wb lub vaj no lawm ces wb yuav rov qab mus nyob lawm 9 tshooj ntuj saum ub, tab sis yog wb mus lawm yuav tsis muaj leej twg zov wb lub vaj hauv daim luaj pua no. yog li mas yuav tsim kom tau ib tug zoo li kuv, ib tug zoo li koj los zov wb lub vaj tso wb mam li mus. Ces yawm saub thiaj muab kiag ib thooj av hauv lub plawv roob coj los puab kiag ib tug zoo nkaus li yawm saub ntag ces thiaj thov cua tuaj rau siav ces cua tib ntsawg tuaj dhau plaws xwb ces ciaj sia kiag txawj hais lus luag nyav lawm. Ces yawm saub thiaj rov muab kiag ib thooj av coj los puab kiag ib tug zoo nkaus li puj saub ntag, ces yawm saub thiaj thov cua tuaj rau siav cua tib ntsawg tuaj dhau plaws lawm ces ciaj sia kiag tab sis tsis txawj hais lus . ces yawm saub thiaj ntsia ntawm tus txiv neej lub hauv siab no pom ib qho ua pa saws soom hmlos hmlawv hmleev, yawm saub

Thiaj muab riam tho kiag mus hlais tus txiv neej ib qho siab coj los ntsaws kiag rau tus poj niam ces tus poj niam cia li hais lus nrov rig meej nrias lawm ces yawm saub thiaj muab nkawd tis npe hu ua : niam nkauj iab thiab txiv nraug oo no ces yawm saub thiaj hais rau nkawd tias : nkauj iab thiab nraug oo neb nyob zov kuv lub vaj no mog, wb yuav nce mus nyob lawm 9 tshooj ntuj saum ub, yog neb nyob muaj yam dab tsi nyuab siab no neb mam hu wb xwb wb mam li pab neb. (hais txog ntu no mas tos txiv neej ho hlub poj niam dua los yog vim txiv neej nplooj siab nyob ntawm poj niam lawm) ces yawm saub thiab puj saub thiaj nce rov mus nyob 9 tshooj ntuj saum ub lawm. Hais txog zaj kwv huam no mas nyob lub ntiaj teb no : me tsiaj loj, tsiaj yau, me kab, me ntsaum, xyoob ntoo puas tsav yam nrog rau tib neeg txog thaum tuag mas yeej mus tsis taus qhov twg li yuav tsum lwj rov mus ua av xwb, vim lub keeb tiv yog muab av tsim tawm los xwb. Hos txoj siav pa ces rov mus nrog cua nyob lawm xwb.

5/- Thaum no nkauj iab thiab nraug oo nyob tau peb xyoos (3) nkauj iab yug tau ob (2) leeg tub muab tis npe hu li no : 1- tus hlob hu ua Tub Ci Tsuj. Tus yau hu ua : Tub Ci Npuag. Nkawd hlob tiav hluas ces tshav ntuj kub kub nyob tsis taus ces nkawd thiaj hais tias : vim cov hnub hli no ntau dhau lawm thiaj kub thiab ziab ntiaj teb qhuav tag ces nkawd thiaj txua hneev tooj, hneev hlau, zob xub vos tooj, vos

hlau tau tiav ces nkawd thiaj mus zov tua yim hneev poob yim lub hnub, yim hneev poob yim lub hli, tshuav ib lub hnub, ib lub hli xwb, ces hnub thiaj ntshai tsis kam tawm tuaj lawm. Hos hli ces hli tsis ntshai, hli pheej nyiag tawm tuaj xauj, ib hnub hli tawm tuaj xauj ib zaug me ntsis ces nkaum rov qab lawm, hli maj mam tuaj xauj tawm zuj zus tuaj tau 15 hnub ces hli ho rov qab nkaum zuj zus rov lawm (mas yog li no thiaj muaj hli xiab thiab hli nqig) thaum zoo li no ces lub ntiaj teb nyob tsaus ntuj nti xwb, tsis pom kev lawm ces Ci tsuj thiab Ci npuag nkawd kawg kev lawm tsis pom qab yuav ua zaj twg li. Nkawd thiaj hu tas nrho cov tsiaj tuaj nug tias : nej leej twg puas nrog hnub thiab hli txuas tau lus ? yog nej tus twg nrog hnub thiab hli txuas tau lus no nej pab hais kom hnub thiab hli nkawd tawm rov tuaj kav lub ntiaj teb kom pom kev. Cov tsiaj tsis teb li, qaib thiaj teb ntua tias: kuv mas yeej nrog hnub thiab hli sib tham tas mus li, yog kuv hu mas hnub thiab hli yeej tawm tuaj xwb, tab sis yog kuv hu nkawd tuaj lawm mas neb txhob muab nkawd tua ntxiv no kuv mam hu, ces Ci tsuj thiab Ci npuag nkawd lees tias: wb tsis tua lawm koj kav tsij mus hu kom hnub, hli tawm tuaj kav lub ntiaj teb, ces nkawd thiaj muab tau ib lub zuag kub rau qaib ntoo ces qaib thiaj ntxuaj tis kha qua kiag 3 suab xwb ces hnub tawm plaws tuaj ces lub ntiaj teb thiaj li rov qab pom kev kaj lug zoo li qub lawm .

6/- Thaum lub ntiaj teb pom kev kaj lug lawm tab sis nyob hauv lub ntiaj teb tsis muaj noob neej li, tsuas muaj tsiaj txhu kab ntsaum nroj tsuag xwb, ces Ci tsuj thiab Ci npuag nkawd thiaj mus nug niam nkauj iab thiab txiv nraug oo nkawd tias: niam thiab txiv wb xav tsim noob neej los tsuj ntug, tsim noob tsav los tsuj teb no, ua li lub ntiaj teb no dav li cas ? tsim neej puas txaus nyob, tsim dab puas txaus txoos ? ces nkauj iab thiab nraug oo teb tias : me tub wb paub tsis zoo, yog neb xav paub meej tseeb no neb mus nug yawg Ci kaws, vim lub ntiaj teb no yog Ci kaws xub txawm ua ntej dua puas tsav yam tsiaj nws thiaj yuav paub meej tseeb tiag tiag. Ces Ci tsuj thiab Ci npuag thiaj mus nug Ci kaws tias : yawg wb yuav tsim noob neej los tsuj ntug, tsim noob tsav los tsuj teb mas wb tsis paub xyov lub ntiaj teb dav li cas, wb xav kom koj mus ntsuam xyuas saib lub ntiaj teb dav los nqaim, yog lub ntuj dav no wb yuav tsim nqaij toog txhav hlau, hos yog lub ntiaj teb nqaij no wb yuav tsim nqaij ciab zib txhav plhaub mag, hais li tas ces nkawd rov qab lawm. Ci kaws yws yws tias: kuv yog yawg tseem muaj cai tuaj txib kuv mus ua hauj lwm thiab kuv yeej tsis mus li, ces Ci kaws tsis mus Ci tsuj thiab Ci npuag nkawd mus tau 7 hnub nkawd rov qab tuaj nug tias: ua li koj mus xyuas lub ntiaj teb dav li cas tiag? Ci kaws teb tias : ob tug me nyuam lub ntiaj teb nqaim kawg kiag yog neb yuav tsim noob neej mas tsim nqaij ciab zib txhav plhaub mag

Xwb, yog neb tsim nqaij toog txhav hlau mas lub ntiaj teb yuav tsis muaj chaws nyob li. Ces ci tsuj thiab ci npuag nkawd rov qab los txog tom ib tog kev tshav ntuj kub kub nkawd los so ntawm ib lub pob zeb, pom ib niag dav dub ya ya los tsaws saum ceg ntoo, nkawd txawm nug niag dav dub hais tias : niag dav ! koj muaj tis koj ya taus es koj paub lub ntiaj teb no dav los nqaim ? wb yuav tsim noob neej los tsuj ntug, tsim noob tsav los tsuj teb, yog lub ntiaj teb dav mas wb yuav tsim noob neej nqaij yog nqaij toog, txhav yog txhav hlau, yog lub ntiaj teb nqaim mas wb yuav tsim noob neej nqaij yog nqaij ciab zib, txhav yog txhav plhaub mag no. ces niag dav dub teb tias : aws ! neb mus 7 hnub tso neb mam li rov qab tuaj ntsib kuv ntawm no. nkawd los tau 7 hnub, nkawd rov mus txog tom lub pob zeb, niag dav dub ya ya rov los tsaws saum ceg ntoo, nkawd nug tias : koj mus xyuas lub ntiaj teb dav li cas ? niag dav teb tias : ntuj dav ntuj tom cas, teb deb teb tom ces. Neb tsim neej yeej txaus neej nyob, tsim dab yeej txaus dab txoos, txhob poob siab li lub ntiaj teb dav kawg kiag. Ces Ci tsuj thiab Ci npuag nkawd hnov li no ces ua rau nkawd chim siab hais tias : ua li cas yawg ci kaws yuav dag wb, wb mus muab nws ntaus kom tuag kiag tso wb mam li tsim noob neej los tsuj ntug. Ces nkawd txawm mus muab yawg Ci kaws ntaus 3 qws ces Ci kaws thiaj Cem nkawd hais tias : Ci tsuj thiab Ci npuag ! neb yuav xav los mus kav lub ntiaj teb ua

Cas tus mus taus neb tsis tso mus, kuv no yog yawg kuv twb mus tsis taus neb tseem muab kuv ntaus thiab neb siab tsis zoo , yog neb hhub kuv mas neb noob neej tuag puv 13 hnub xwb ces kuv tsa sawv rov qab los xwb, tab sis neb siab tsis zoo ces neb noob neej tuag yeej tsis sawv li vim neb siab tsis zoo. Ces Ci kaws cia li ntxeev tiaj hlo tuag kiag lawm xwb thaum no yawg Ci kaws tus ntsuj plig nce mus txog yawm saub, yawm saub nug tias koj los ua dab tsi ? Ci kaws teb tias : txiv ! twb yog Ci tsuj thiab Ci npuag nkawd muab kuv ntaus es kuv thiaj los, saib koj yuav kom kuv mus nyob qhov twg ? ces yawm saub thiaj hais tias : yog li mas qhov twg lawv cov hlob twb nyob tas lawm ces koj mus nyob tom hnub thiab hli es koj saib xyuas lub hnub kom txhob kub heev tsam ntiaj teb kub nyhiab . ces Ci kaws thiaj mus nyob tom hnub thiab hli, es ib xyoos Ci kaws sawv los ntsia lub ntiaj teb ib zaug ces ntiaj teb hais tias yog dab noj hli no tab sis tsis yog dab noj hli, twb yog puv niaj, puv xyoo es Ci kaws qhib rooj ntug ntsia lub ntiaj teb xwb, vim nws tseem nco ntiaj teb.

7/- ces Ci tsuj thiab Ci npuag nkawd thiaj mus nug yawm saub tias : me txiv wb yuav tsim noob neej los tsuj ntug, tsim noob tsav los tsuj teb no, nug koj saib wb yuav muab dab tsi coj los tsim thiaj tau. Yawm saub teb tias: neb muab yam twg los nyuab, neb mus muab nplooj xyoob, nplooj ntoos coj los tsim thiaj yooj yim, vim cov nplooj no twb muaj sia lawm, ces

nkawd thiaj nug ntxiv tias: ua li wb yuav muab cov nplooj no ua li cas thiaj peem tseej tau los ua tib neeg yawm saub qhia tias : neb rov mus txog ntiaj teb ces neb nce saum roob siab neb muab tes zaws cov nplooj pov rau nram tiaj ces neb hais tias : noob neej sawv los tsuj ntug, noob tsav sawv los tsuj teb nawb ! neb hais li no xwb ces noob neej tsheej neeg xwb. Ces nkawd rov qab los txog hauv lub ntiaj teb no yog hnub xiab ib nkawd mus xuas sab tes xis zaws cov nplooj ib hnub pov rau nram tiaj tsaus ntuj nkawd los tsev, tag kis sawv ntxov tsees ntsia nram tiaj neeg mas coob li coob puv nkaus txhia chaw xwb tab sis yog tib co poj niam xwb. Hnub xiab ob nkawd rov mus xuas sab tes laug zaws ib hnub tsaus ntuj pov rau nram tiaj dua los tsev tag kis kaj ntug tawm mus xyuas, pom neeg coob li coob puv nkaus txhia chaw tab sis yog tib co txiv neej xwb. Ces nkawd thiaj mus nug yawm saub tias : wb tsim tau noob neej lawm yuav ua li cas rau lawv ? yawm saub tias : zoo kawg, neb mus muab ib tug poj niam thiab ib tug txiv neej txis ua txij nkawm nawb. Ces ci tsuj thiab ci npuag thiaj rov qab los muab lawv sib txis ua niam txiv li yawm saub qhia nkawd. Ces noob neej nyob huaj vam nroo ntws mus puv nkaus lub ntiaj teb no lawm. 8/- thaum noob neej nyob huaj vam puv qab ntuj lawm, tab sis noob neej tsis mloog lus kiag, noob neej ua kev txag, kev txhaum puas tsav, puas yam tsis zoo xws li : sib ntaus, sib tua, ua tub sab, tub

nyiag,txiv neej mus deev luag poj niam, poj niam
 mus deev hluas nraug hais tsis mloog li thiaj ua rau
 noob neej quaj ntsuag hu ntuj qaws rau txhia chaw
 ces cua thiaj mus hais rau yawm saub hnov ces yawm
 saub thiaj hais tias: yog li no cia kuv sim hu 12 tug
 tsiaj nyob ntiaj teb tuaj nug saib puas muaj li cua hais
 tiag. Yawm saub thiaj hu : 1/- yog Nas. 2/- yog
 Nyuj.. 3/- yog TSov... 4/- yog Luav.. 5/- yog Zaj
 6/- yog Nab... 7/- yog Nees.. 8/- yog Yaj.. 9/- yog
 Liab... 10/- yog Qaib... 11/- yog Dev.. 12/- yog Npuu
 thaum yawm saub hu tau cov tsiaj tuaj txog tas ,
 yawm saub thiaj nug cov tsiaj tias : ua li cua hais tias
 noob neej mas tsis mloog lus kiag, ua kev phem tas li
 xwb no puas muaj tseeb ? cov tsiaj teb tias : me txiv
 yeej muaj tseeb li cua hais tiag tiag. Ces yawm saub
 thiaj rov qab hu nws 12 tug tub txib tuaj ntsib nws
 xws li : 1/- tuam theeb tswb.. 2/- Xob laug... 3/-
 ntxwg nyug... 4/- txoov siv yis.. 5/- Zaj laug.. 6/- Ci
 kaws.. 7/- nkauj hnub.... 8/- nraug hli... 9/- nkauj iab..
 10/- nraug oo. 11/- Ci tsuj... 12/- Ci npuag. Thaum
 cov tub txib tuaj txhij tas, yawm saub thiaj nug tias:
 kuv hu nej tuaj no mas yog vim noob neej nyob lub
 ntiaj teb lawv tsis mloog lus, ua kev txag, kev txhaum
 ntau tsav, ntau yam dhau mas kuv yuav tso dej nyab
 lub ntiaj teb kom noob neej tuag tas, mam li rov qab
 tsim dua tshiab, thaum no cov tub txib teb tias: me
 txiv ua li los yeej zoo, tab sis koj txhob maj cia peb
 mus xaiv saib xyuas kom tau ib tug txiv neej thiab ib

Ib tug poj niam uas yog noob neej tus siab ncaj, siab
 zoo tshaj plaws cia yeej noob tso mam li tso dej nyab.
 Yawm saub teb tias ua li los tau. Thaum no txoov siv
 yis thiaj nqis los hais rau nkauj mim thiab nraug nus
 uas yog ob tug tub tsuag, ntxhais tsuag tias : nkauj
 mim thiab nraug nus ! yawm saub yuav tso dej nyab
 ntiaj teb no mas neb txhob ua dab tsi lawm mog, neb
 kav tsij mus npaj kom tau ib lub nkoy loj loj kawg es
 neb npaj me noob tsiaj, noob txhuv, noob kab, noob
 ntsaum, roob nroj, noob tsuag puas tsav yam ntim rau
 hauv lub nkoy mog, tshuav 7 xyoo xwb ces dej yuav
 nyab lub ntiaj teb no. thaum nkawd hnov li no lawm
 ces nkawd niaj hnub mus txiav ntoo los txua nkoy
 thiab mus nrhiav tawv nyuj coj los xaws ua nkoy ib
 yam. Ces tej neeg zej zog nug tias: neb pheej txua
 nkoy ua dab tsi ? nkawd teb tias : twb yog dej yuav
 nyab lub ntiaj teb tsis ntev no es wb thiaj txua thiab
 xaws nkoy los npaj tseg. Tsoom neeg cem zom zaws
 tias: Ob niag ntsuag tu qab, tu twv li ntawd es nim
 yuav paub txog dej nyab ntiaj teb, niag vwm xwb
 txhob mus ntseeg. Thaum nkawd xaws tau nkoy tiav
 ces nkawd muab puas tsav, puas yam noob tsiaj, noob
 nroj tsuag, noob kab ntsaum ntim rau hauv nkawd lub
 nkoy tas ces muaj ib hmos txoov siv yis thiaj los hais
 rau nkawd tias : nkauj mim thiab nraug nus neb kav
 tsij tawm mus nce nkoy tam sim no, dej twb nyab tuaj
 lawm, ces nkawd cia li kiav khiav mus nkag kiag rau
 hauv lub nkoy ces dej nyab puv kiag ntiaj teb tam sim

ntawd ntag. (qhov uas dej nyab no mas tsis yog dej puv tuaj, yog yawm saub muab lub ntiaj teb raus dej xwb) .

9/- dej nyab tau 120 hnub, noob neej, noob tsav nyob lub ntiaj teb tuag tu noob tas du lug, yawm saub mam muab lub ntiaj teb nqa tawm ces dej mam li nqig zuj zus, ces nkauj mim thiab nraug nus nkawd lub nkoy maj mam poob los txawb rau saum npoo av. Thaum dej nqig tas, nkawd los nyob tau 120 hnub saum npoo av, cov av mam li khov ruaj qoos, ces nkawd mam li muab cov noob tsiaj, noob kab ntsaum tso tawm sab nraud, hos tej noob qoob, noob loos, noob nroj tsuag nkawd mam li muab tseb rau saum npoo av, ces me nroj tsuag mam li hlav tuaj, me kab ntsaum, tsiaj txhu mam li huaj vam tuaj nroo ntws tuaj thoob ntiaj teb.

10/- thaum dej nqhuab tag li no lawm ces nkauj mim thiab nraug nus nkawd nyob tau 12 xyoos tsis pom ib tug neeg li ces nraug nus thiab hais tias: nkauj mim koj ntim su es koj mus lawm hnub tuaj, kuv ntim su es kuv mus lawm hnub poob, wb mus nrhiav saib puas muaj neeg nyob qhov twg ? wb hais li no tseg koj mus yog pom neeg thiab tsis pom los xij puv 3 xyoos rov qab los sib ntsib qhov chaw no. kuv mus puv 3 xyoos pom neeg thiab tsis pom los xij kuv rov los sib ntsib qhov chaw no. thaum hais li no tas ces nkawd nyias mus nyias lawm. Nkauj mim mus tau peb xyoos, nraug nus mus tau peb xyoos, nkawd rov qab los txog. Nraug nus nug tias: koj puas ntsib neeg?

Nkauj mim teb tias: kuv tsis pom ib tug neeg li. Nkauj mim nug nraug nus tiās: ua li koj puas ntsib neeg? Nraug nus teb tias: kuv tsis pom ib tug neeg li. Ces nkawd rov qab los nyob tau 12 xyoos ntxiv nraug nus thiab hais tias : nkauj mim wb rov qab mus nug yawm saub saib wb yuav mus nrhiav noob neej lawm qhov twg thiab nrhiav tau, ces nkauj mim thiab nraug nus nkawd thiab mus nug saub saub thiab hais tias: noob neej tuag tu noob lawm, neb rov mus tsev tshuav ib lub zeb zom neb mus muab txhib txiv nog rau nraug nus ev, muab txhib niam nog rau nkauj mim ev, neb nce lub roob siab kom nto plaws saum ncov roob neb mam muab nkauj mim txhib dov lawm sab hnub poob, muab nraug nus txhib dov lawm sab hnub tuaj es neb nyias lawv nyias txhib zeb qab saib nws mus khuam rau qhov twg ces neb nyias mus nyob nyias qhov chaw txhib zeb khuam ntawd mog. Ces nkawd thiab li rov qab los txog tsev nce roob thaum nce nto roob lawm ces nyias thiab muab nyias txhib dov li saub qhia ces nkawd nyias thiab li lawv nyias txhib zeb qab mus uas cas ob txhib zeb ntog mus ua ke lawm. Thaum nkawd mus sib ntsib lawm ces nraug nus thiab li hais tias: ab ! nkauj mim yog li no ces wb kuj sib yuav xwb, nkauj mim teb tias: wb rov mus nug saub tso saib saub hais li cas? Ces nkawd thiab rov los nug saub, ces nkawd mus hais tias wb mus dov zeb li koj qhia, tab sis ob txhib zeb pheej ntog mus ua ke xwb, yog li wb sib yuav puas

Puas tau? Saub teb tias: neb yog ob nus muag neb sib yuav mas yuav ua ntau yam thiaj sib yuav tau. Kuv qhia neb paub tias thaum ub dej nyab ntiaj teb mas dej kuav noob neej ntawv tshoob, ntawv kos mus rau hauv zaj laug teb tas lawm, yog neb yuav sib yuav mas neb yuav mus muab kom tau txiaj tshoob ntawv kos hauv zaj laug teb los txog mas thiaj sib yuav tau Ces nkawd thiaj rov los txog tsev nkawd thiaj sab laj saib yuav kom leej twg mus muab, ces nkauj mim hais tias: wb twb pab tau cov tsiaj kom dej txhob nyab lawv mas zaum no wb sim hu lawv los nug saib tus twg thiaj yuav mus muab tau ces nkawd thiaj hu tag nrho cov tsiaj los nug tas tsis muaj tus yuav mus taus, tsuas yog Os (Goose) ib tug thiaj teb tias: kuv mus taus xwb, ces nkawd thiaj hais tias: yog li ces koj mus nqa los, thaum ntawd qaib txawm teb ntua tias: kuv ua os luag mus thiab ces qaib thiab os nkawd mus txog ntawm ntug pas dej qaib hais tias: os kuv mus tsis tau hauv dej, koj mus xwb kuv nyob ntawm no tos koj ces os thiaj li plos ntxhias dua puag zaj laug teb lawm, os mus ntsib zaj laug ntxhais ntxawm os hais tias: kuv yuav tuaj xyuas saib noob neej txiaj tshoob ntawv kos puas nyob zaj laug teb no yog muaj no thov koj muab rau kuv nqa mus rau nkauj mim thiab nraug nus nkawd tau tsim noob neej no. zaj laug ntxhais ntxawm teb tias: muaj kawg! Cia kuv mam muab rau koj, zaj ntxhais ntxawm muab kiag phau ntawv tshoob kos cev kiag rau os, ces os

Thiaj nqa los txog saum yaj ceeb ces qaib pom qaib txawm hais tias: OS ! koj sab heev lawm muab phau ntawv tshoob rau kuv nqa, os muab cev rau qaib nqa ces nkawd los txog tom ib tog kev muaj ib lub pas dej os hais tias: qaib !sov Sov kuv li, koj nyob nov tos kuv mus da dej me ntsis tso wb mam li mus. Os mus da dej lawm. Qaib nyob qaib pheej xuas ko taw raub phau ntawv tshoob thiab xuas kaus ncauj ncaws noj ncaws noj, os da dej los txog ces qaib twb muab phau ntawv tshoob ncaws noj tag lawm, ces os hais tias: aub! Ua cas koj muab phau ntawv tshoob kos ncaws noj tag li no ! yuav ua li cas ? qaib teb tias: xyov li laud ! ces nkawd los txog tsev os mus hais rau nkauj mim thiab nraug nus tias: niam txhiab txiv ! kuv twb mus nqa tau phau ntawv tshoob kos hauv zaj laug teb los lawm, tab sis wb los txog tom kev, sov Sov kuv es kuv mus da dej kom qaib nyob saib no, qaib muab phau ntawv ncaws noj tag lawm, thaum no nkauj mim thiab nraug nus tsis pom qab yuav ua li cas, thiaj rov qab mus nug saub dua, saub thiaj hais tias: yog muaj li tiag no ces neb rov mus muab qaib lub qhov ncauj rua saib hauv tus nplaig thiab saib xyuas ntawm cov ntiv taw, tseem tshuav qho me ntsis khuam nyob ntawd, ces nkawd thiaj rov los muab saib no ua ciav tshuav ib co khuam hauv qhov ncauj thiab nram ntiv taw tiag. (peb saib taw qaib mas yog li no) ces nkawd thiaj rov mus nug saub tias : zaum no wb sib yuav puas tau ? saub teb tias : tsis tau nawb ! neb

tseem yuav tau mus kawm tus cai tshoob kos hauv zaj laug teb xws li : Zaj tshoob, qeej tshoob,kwv txhiaj tshoob kom tau tas mas thiaj sib yuav tau . ces nraug nus nug tias: yuav ua li cas kuv thiaj mus ntsib tau zaj laug ? saub teb tias : tsis nyuab li koj muš txog tom lub pas dej loj ces koj hu hais tias: yawg Zaj laug tus dawb txoob, tus dawb kaus, niam no lub ntiaj teb tsis muaj noob neej li lawm, tshuav nkauj mim thiab nraug nus xwb, wb xav sib yuav ua txij ua nkawm no es wb thov koj tuaj pab qhia kev sib yuav raws li tshoob kos rau wb coj mus tsim noob neej no. neb hais li no xwb ces zaj laug yeej tawm tuaj xwb. Ces nkawd thiaj rov qab los txog tom ntug pas dej, nraug nus tsa ncauj hu 3 suab li saub qhia xwb ces zaj laug tawm plaws tuaj. Zaj laug hais tias : neb hu kuv muaj plaub dab tsi ? nraug nus teb tias: yog wb xav sib yuav ua txij nkawm los tsim noob neej no es saub kom wb tuaj nug koj es thov koj qhia kev tshoob kos sib yuav ua txij nkawm,qhia Zaj tshoob,qeej tshoob,kwv txhiaj tshoob rau wb. Ces Zaj laug teb tias: yog li ntawd no neb rov qab mus 3 hnub neb rov tuaj ntsib kuv dua muaj dab tsi mam qhia. Ces nkawd rov qab los nyob tau 3 hnub. Nkawd rov mus txog tom ntug pas dej ces zaj laug twb nyob tos nkawd lawm, zaj hais tias neb tuaj lawm no los tsev, zaj laug muab nkawd qaim kiag hauv qhov tso ces nqis kiag dua hauv pas dej lawm. Ces nraug nus mus kawm zaj tshoob, qeej tshoob, kev cai tshoob kos, hos nkauj

mim mus kawm kwv txhiaj tshoob, kawm kev cai ua nyab. Thaum nkawd kawm tau tiav tas , nkawd yuav rov qab los tsev. Zaj laug ntxhais ntxawm txawm hais tias: nraug nus! Kuv yuav pab txhawb kom neb noob neej huaj vam puv ntiaj teb, kuv yuav muab ib lub kaus khi ib txoj siv ceeb rau koj nqa mus tsev, koj txhob lam muab t xo j siv ceeb daws los sis muab lub kaus nthuav, coj mus kom txog hauv tsev tso mam li nthuav thiab daws mog. Qhia koj paub tseeb tias : t xo j siv ceeb ces yog kuv ntag hos lub kaus ces yog koj kiag. Thaum muab t xo j siv ceeb daws tas lawm koj muab rau nkauj mim ntoo ua hwj chim mog. Kuv yuav mus nrog neb nyob pab txhawb kom neb noob neej huaj vam, yog neb tsis mloog, neb lam muab lub nthuav ib tog kev mas neb yuav txom nyem heev. Vim kuv pov hwm tsis tau neb lawm. (poj niam ntoo t xo j siv ceeb mas yog zaj laug ntxhais tus ntsuj plig) . Thaum cog lus li no tas ces nkawd thiaj rov los tsev. nkawd thiaj mus nug saub tias: wb mus kawm kev cai tshoob kos tiav tas lawm ua li wb sib yuav puas tau los sis tseem tshuav dab tsi ntxiv thiab ? yawm saub teb tias: neb sib yuav tau lawm mog. Ces nkawd thiaj sib yuav txij hnub ntawd los . nkawd sib yuav tau li peb caug xyoo (30 xyoo) yug tau 12 leeg tub, 14 tug ntxhais, nkawd thiaj muab cov tub tis npe hu li no :
 = Tus 1/- hu ua: Lis tuam thawj.
 = tus 2/- hu ua : Vaj hwj huaj.
 = tus 3/- hu ua : Tsab kav cai.

- = Tus 4/- hu ua : xyooj tsa chij.
- = Tus 5/- hu ua : muas tswj hwm.
- = Tus 6/- hu ua : Yaj nto moo.
- = Tus 7/- hu ua : thoj tuav ruaj.
- = Tus 8/- hu ua : vwj xav pab.
- = Tus 9/- hu ua : hawj xav tau.
- = Tus 10/- hu ua : Koo xav hais.
- = Tus 11/- hu ua : khab xav kho.
- = Tus 12/- hu ua : lauj yeeb yam.
- Cov txias tom qab no muaj npaum li no ntxiv.
- = Tus 13/- hu ua : phab kav xwm.
- = Tus 14/- hu ua : ham xa xov.
- = Tus 15/- hu ua : khab xav kho.
- = Tus 16/- hu ua : faj txoov kav.
- = Tus 17/- hu ua : tsheej txoov cuam.
- = Tus 18/- hu ua : tswb maum los.
- thaum muab tis npe tas li no lawm ces nkawd thiaj nug yawm saub tias : yuav ua li cas rau cov tub ntxhais no ? yawm saub teb tias : muab lawv sib txis ua txij nkawm. Ces nkawd thiaj los muab sib txis ua niam txiv tas, tab sis tshuav seem ob tug (2) ntxhais tsis muaj txiv neej yuav, ces thiaj rov mus nug saub tias: seem 2 tug ntxhais tsis muaj txiv neej los yuav es yuav ua li cas rau nkawd ? saub thiaj qhia tias : yog li mas neb mus muab txis rau 2 tug txiv neej pab yuav kom nkawd muaj txiv thiab. Ces nraug nus nkawd thiaj rov los muab sib txis li saub qhia tas. (yog li no mas txiv neej thiaj yuav tau niam yau no)

11/- thaum ua tau li no lawm ces noob neej nyob huaj vam puv ntiaj teb, noob neej tsis txawj tuag, nyob lom zem xauv npo. Ces muaj ib niag ntxhais mus yuav ib niag tsov los txiv, ces nyob nyob niag tsov tuag, niag ntxhais nco nco niag tsov, nws quaj quaj ces cov neej tsa thiaj hais tias: yog koj nco hwv no ces peb muab niag tsov coj los pam ua qeej nruas rau ces noob neej muab niag tsov los pam tau 9 hnub 9 hmos, tshuab qeej, ntaus nruas nrov nroo pes ntws suab quaj , suab nyiav, suab qeej, suab nruas nrov mus taug taug ntxwg nyug pob ntseg ces ntxwg nyug yws yws tias: yog muaj tus dab tsi es yuav phov tas hnub tas hmo li. Ntxwg nyug thiaj hais tias nquab koj mus xyuas saib yog dab tsi tiag es yuav phov ua luaj. Nquab yaya tuaj tsis pom dab tsi, tsuas hnov suab sab quaj, nyiav nrov nroo ntws hauv tsev xwb. Ces nquab thiaj rov mus hais rau ntxwg nyug tias: tsis pom tus tsi, tsuas hnov nrov nroo pes ntws xwb. Ntxwg nyug thiaj tsos ntsuab tuaj xyuas saib yog dab tsi. Mos ntsuab maj mam nkag mus xyuas tas, nws rov mus txog, nws hais rau ntxwg nyug tias: yog niag tsov tuag xwb tsis yog noob neej tuag. Ces ntxwg nyug thiaj cem tias: yog noob neej ntshaw ploj, noob tsav ntshaw tuag, ntxwg nyug thiaj muab kiag noob mob noob tuag, noob toj, noob taug ua sis los rau lub ntiaj teb ces noob neej thiaj muaj mob tuag txij li los lawm

12/- thaum no ces noob neej muaj ploj, muaj tuag ces noob neej muab tsiaj coj los tua pam tuag ces noob neej quaj cem quaj cem ntxwg nyug, cov tsiaj los quaj cem quaj cem ntxwg nyug ib yam, ntxwg nyug nkees mloog dhau ntxwg nyug thiaj hais tias: yog nej cem kuv dhau ces cia kuv ho tuag es nej ho quaj kuv ces ntxwg nyug cia li ntxeev tiaj hlo tuag kiag lawm ces neeg thiab tsiaj sib yaum mus quaj nyiav ntxwg nyug. Ces cov tsiaj ntiaj teb mus tas nrho, tshuav cuam tsis mus, cuam hais tias: nej mus, tag kis kaj ntug kuv mam li sawv ntxov nce mus saum roob siab kuv mam li nyiav nrov nrov saum roob xwb. Ces cov tsiaj mus tas. Neeg mam li lawv qab mus txog ib lub tsag zeb muaj ib tug vaub kib nce tsis nto lub tsag zeb cov tsiaj muab vaub kib tsuj tsuj pluav tas, neeg thiaj muab vaub kib nqa rau saum npoo tsag, vaub kib thiaj hais tias: neeg kuv qhia nej paub tias: ntxwg nyug tsis tuag. Tas nrho cov tsiaj mas lawv mus quaj hais tias: thaum ntxwg nyug nyob mas suav daws tau kev txom nyem, zaum no ntxwg nyug tuag tas mas suav daws yuav tau zoo lawv nyiav li ntawd. Hos koj mus nyiav mas koj hais tias: thaum ntxwg nyug nyob mas peb thiaj tau zoo, yog ntxwg nyug tuag tas mas peb yuav tau kev txom nyem, yog nws nyob qhov twg no sawv tsees los. nej nco ntsoov nyiav li no mog. Ces neeg mus txog, neeg thiaj mus nyiav li vaub kib qhia, thaum neeg nyiav ntawd vaub kib tab tom mus txog ntua ces ntxwg nyug sawv tsees los luag nqhuas